

八瓊室金石補正續編

北齊三

北齊武平元年至三年止

計六百八十五條行石一卷

標異鄉義王興國等石柱頌

凡十紙額一紙頌四紙每紙二面又一紙刻題名大字二  
行一紙刻題名及斛律世遠等記一紙二面一紙刻題名及  
前記下半段一紙刻題名及嚴僧安等施地記一紙三面一  
刻題名及嚴道業等捨地記餘二面止見題名一紙一紙  
刻李孝端等題名  
均分書在定興

標異鄉義慈惠石柱頌

以上第一層三行  
三字徑四寸三分

元造義王興國義主路和仁

以上第二層四行  
三字字徑三寸

元鄉墓十人等如左

田市貴 滑禁祖 梁令奴 田寶護 陳顯仁 鮮于法

珍 田顯和 鄭暎世 田勳順 史靈貴

元貢義 四人如左

北齊武平元年冬以前

田鸞碑 鄭貴和

陳靈奴

賈魏珍

以上第三層十四行行字不一字徑

十一

標義門使范陽郡功曹盧宣儒

典西曹掾解寶麟

范陽

縣使丞李承妣

典西曹掾龍仲裕

此行在第一層標題及第二層之右字徑六分

大齊大圖二年四月十七日省符下標

此行在第二層題名之左字徑一寸

右一紙高三尺四寸五分凡三層廣一尺七寸七分

夫至宗幽微非輕重可以抱其源大道沖躋何香臭所能究其始自非旃檀在東甕似牛頭飛水騰虛瞥如釵股壹月常圓十火恒備焉足致六師於河中集法軍於不退地者也是呂芥利雖盈不可濟其終身鞭樞責罪圖復救其時困靡求

度世之資而罰渥牛之厄穀賊不易可除摩屍何由能詩當  
 須清淨六塵洗結煩惱行六波羅蜜具三不退轉成熟稔米  
 卽此誰與柔濡子草於茲何立無詩善身之子而責寶池八  
 流不入毗尼之苑欲悉律提之園斯蓋孤寒之守斫杖絕羽  
 之向青天自可斷齋於長眠之地槃錯於溟溟之水安能變  
 三有而受樂出過壹切苦而已者矣值魏孝昌之季塵穢塞  
 表杜葛猖狂乘風閒發蟻集蜂聚毒掠中原桑乾爲虜馬之  
 池燕趙成亂兵之地士不芸鋤女無機杼行路阻絕音信虛  
 懸殘害村薄鄰伍哀不相及屠戮城社所在皆如麻亂形骸  
 曝露相看聚作團山流血如河遠近翻爲月地仍有韓臺祀

勃鳥集驚危趣走薊城鷄視藏戶遂復 王道重艱原野再  
絕由茲圯圻 皇化未均矚我大 齊 神武 皇帝應期  
受命威靈自天掃除兇醜廓清宇宙雄劍壹麾塵消万里飄  
逆之徒於斯獲賴時有故人王興國七人等住帶□城皆宿  
乘美業渡三灾而弗壞經八難而不朽無待梧國之訴自起  
大慈之心非關驛庭之哭共發哀憐之念乃磬心相率驅車  
歷境緣濠東西拾諸離骨既不<sub>能</sub>辨其男女誰復究其姓名  
乃合作壘塙稱爲鄉墓設供集僧情同親里於是乎人倫哀  
酸禽鳥悲咽言念其酷誰不痛歟塙墓於斯遂有處爲其時  
雖復公路遠通私塗尚阻百里絕烟投厝靡託仍有興國市

貴去來墓偏休歇塚側嗟同墓之因緣念注人之業報遂興  
誓願贖給万有各勸妻孥抽割衣食負釜提壺就茲墓左共  
設義食以拯饑虛於後荏苒因攝義堂武定二年有國統

光師弟子沙門三藏法師曇遵稟資大德盛承冲旨體具五  
通心懷十力常自智惠救諸煩惱名威南州邀致無因有摩  
訶檀越大都督盧文翼范陽涿人也望重寰中親交帝室  
冲素起於弱季風驟固於壯歲洞解十号之方深達具足之  
海既承芳實朝夕敬慕久而通請方致神座仍及居士馮封  
平居士路和仁等道俗弟子五十餘人別立清館四事供養  
敷揚秘教流通大乘五冬六夏首尾相繼鱗羽感其德音緇

問字再校

素服其惠了貴賤注來於是乎感便於此義深助功德時有  
勅請法師始復乖阻都督息士朗者蓋是鳳室之龍子家龍  
氣岸天道風光遠逸優遊物外無巨世務在懷昂藏自得宜  
將榮祿草意直置逍遙正道坐卧清虛仍憂此義便為檀越  
與善無微摧芳感入百弗及四徒何仰馮居士昆者字村平  
瀛州高陽人本與法師同味相親造次不捨因請至此其人  
愛善若流不忘朝夕重信如山之必覆雅素清逸率有國  
士之風器度閑閑義當吐納之遠諸子既為世宗五經足稱  
軌物舉必由規動則成矩真言秘典幽途園趣隨情立教方  
便開張如波鳴鐘應不能已如似懸流寫不知竭常於此義

專心扶弊壹懼既迴衆情頓慕功業久存良實是歸但餘慶  
難憑白駒易驗招人其類誰求悲仰天保八季葬於義左因  
此刊勒真永清音武定四季 神武北狩 勅道西移舊堂  
寥廓行人稍簡乃復依隨官路改卜今營爰其經始厥塔靡  
立便有篤信弟子嚴僧安合宗夙釐道因早通幽旨握鏡懷  
珠金聲玉振見善猶如不及聞惡懼非千里重三寶其如天  
輕七珍同垢穢若父若子乃識乃親或前或後非貧非富正  
向十方壹心大道氣與壹切合衣生願共恆河聰口命各捨  
課田同營此業方圓多少皆如別題俱若布金捨無遲易長  
陸於茲為洗浴之池平原由此成福業之海今生來生現世



去世百億千億有身無身至功大業皆由此誠万世不朽冥  
鐘斯地其形勢也左跨明武右帶長遠却負清沁面臨觀  
臺花萊綺迥懸同鹿野之苑棟宇參差綽踰祇桓之舍軒駕  
馳彩類卿雲之五色士女間雜狀丹素之紛披天保三年

景烈 皇帝駕指湯谷離宮義所時屬壹滄漆蒙優贖有路  
和仁者字思穆陽平清淵人也與馮生綢繆注日依隨法師  
懸翮積歲皆遊青齊之地時号□□儒曾過淄潁之間世稱千  
里識洞百家氏族宛若目□□談六典經史併同掌物乃厭  
此躡塵仍懷至業伏六賊於心中拔四蛇於胃內吐納清虛  
優遊正道窮智惠於德義場追散花於慈悲室即於此義尊

□□□□而法師向并仁從衣屣蒙預內齋時經壹歲每言此  
義懇懇告請賴有勅許始得言歸於是獨主義徒晨夜吐  
握寤寐驚拊巨細不違率過知命□□□□娶首垂白髮萬  
意弥厚良實行伏鄉閭德兼邑外乃脩造門堂改創墻院寶  
塔連雲共落照召弟輝普字接漢將危峯召贊迺雖曰義坊  
無異茹藍□□□□園何殊柰苑在矣麗矣難得而稱天保蚤  
蟲之歲長圖作起之春公私往還南北滿路若軍若漢或文  
或武旦發者千羣暮來者萬隊猶若純陔之□□□□窮舍  
利香積曾何云媿兼履病者給藥死者塋埋齋送追憐皆如  
親戚仍召河清遭滂人多飢斃父子分張不相存救於義食

終不甞捨貴□□□□□城市此之□□孰可具而論之天  
保十季獨孤使君寬仁愛厚慈流廣被不限微細有效必申  
便遣州都兼別駕李士合范陽郡功曹皇甫遵□□□□□  
首王興國義主路和仁義夫田疇碑劉子賢尹貳樂孔明遠  
張宗悅賈施仁孟阿鳳王世標賈定興鮮于洪簡鄭阿仲趙  
元伯趙士文□□□□□路梁曇尚賈孟良張思邈龐猛  
崔張封遵鮮于循羅王元方宋子產董大筓鄭阿□楊邴仁  
七十九人等具狀 奏聞時蒙優 旨依式構□□□□□  
□有符下于時草創未及建河清二季故范陽太守郭府  
君智見此至誠感降 天 旨喜於早舉明發不忘遂遣海

懿鄉重郡功曹盧宣□□言典從來至義堂令權立木柱已  
□□□自介於今未曾刊頌新令普班舊文改削諸爲邑義  
例聽縣置二百餘人壹身免役召彰歆美仍復季常差列定  
其進□便蒙 令公□狀□申□□下□具□明業於是信  
心 邑義維那張市圃牛阿邑李恒同呂季秀楊景賓范崇禮  
龍村良陳村希王僧彫李遠□史荀仁田元休韓仲珎蔡顯  
邕劉高貴李同遵孫阿長史茂貞習定景周顯村李慈仁李  
羅雲陳之仙田村彦董子彦范戩興劉子剛趙黃頭史景遵  
傅子漢鮮子孟昌田子長合二百人等皆如貢表悉是賢良  
可謂荆山之側白玉應生麗水之濱黃金自出翩翩有泗上

秉

之風雖雖也槐下之節輕重義衆意協和羽蓋莫不膏依

飛軒靡不盡集此義書拜已未未之有也我 皇聖既無名

神不可測或瞻雲歸附望氣未賓復文景成康豈得同堂

而語我 明使君大行臺尚書令斛律 公名羨字豐落相

州部落人也 公累葉重輝其來自遠親踰梁柳勳邁伊姜

存意六韜留心三略既偏脫立代架谷為城民安桑井之忻

卒無擊柝之慮威振六蕃恩加百姓駟馬入觀屢過於此向

寺若歸如父他還百里停滄扁方食慰同慈母賽殊僧俗

脫驂解駕敬造尊像捨珍物共義滄達好施於前

公復踵福於後仍能不遺陋業曲照纖微每於斯義恒存

經紀□木柱之易朽芳激之不固天統三年十月八日 教

下□縣召石代爲義士等□竭愚誠不憚財力遠訪名山窮

尋異谷遂得石柱壹枚長壹丈九尺既類瑠璣還如紺色庶

其鑄美無窮流芳永扇車騎大將軍范陽太守劉府君名仙

字士逸定州中山人也公流馨積代軒冕相仍稟性溫恭懷

仁操義幼步紫庭爵倫華伍毗讚青岳德聞 天聽 勅

使鄙郡慈風預被□□下里□由此□□義從□加信敬

竝厲妻子減撤行資中外忻悅共拯飢□桑下之士翻同晉

世馮異進粥於茲更新莅政未幾園澤沾濡境內湊□枯榮

□潤莫□微猷召銘惠□郡功曹釋壽者都督盧文翼之孝

郎字再校

孫義堂禮越士郎之元子體度□□卷從時敦崇禮義少  
慕父風每言先人析薪豈不負荷者我還為義禮越志存世  
業財力匪究有建忠將軍范陽縣令劉明府名□字廣賈□  
州高□人也其人世籍餘芳家傳冠蓋百世機變抱節歸誠  
入毗至室出宰百里察姦超於西門慈政隆於浮席□上□  
民寘曰明君仍好至理深慕清淨愛□頭眼樂非妻子呂石  
柱高偉□功難立遂捨家資共相扶佐壹力既齊眾情咸奮  
□聲□□長碣□起□異寶幢初建梵音布於原野法鼓新  
韓歌噴遍於村邑但山才万尋尚有成壑之期海深千刃猶  
致桑田之會永□金壹□共未有而同□芳留銘柱將百代

而常存乃為頌曰

因我大□□矣真人難逢難值誰識誰親□之靡際□性無  
因空瞻池水虛想金身飛河既易騰火不難所嗟斧利弗救  
饑寒法軍雖□終謝香□來如□上空□中試看真□不□灑  
中□□生亡環堵死無□□譬彼黃塵隨風阡陌不識皮毛  
誰辨骸骨矚茲大聖席捲龍驤翦除羣醜再立天綱千家如  
壹万里歸鄉云誰之力賴我 神皇有茲善信仁沾枯朽□  
等妻孥恩同父母拾□駟骸共成壹有既與天長還從地久  
宇宙壹清塵消万里城邑猶蘭村薄未幾去來女婦注還公  
子駱驛長途靡所歇止仍茲四資心□十力念此浮魂嗟於



遊息近減家資遠憑此識於此塚備遂爲義食義存於此良  
實有奉惟公惟帝或愚或賢深相優噴雅助留連因茲興  
壇仍成福田壹心堅固万□傾迴既如隕捧復似風雷三途  
可滅八難終摧云何濟波唯善斯媒靈園既作降勅仍隆  
標建堂宇用表始終高山可□海水易窮其如金石永樹天  
中法界圓□體空如如妄想紛構三有星居□知悟理佛  
法僧徒梵音付傳說論經書進脩始終賢聖凡夫行因獲果  
隆業差殊善惡不忘勿□厥愚勢衍五乘仁義非虛五常之  
行仁義先序惠輔如毛民鮮剋舉周觀齊域唯茲邑侶嚴氏  
施地安承創興坊類伽藍給孤言汝羣英居之照世若炬興

國元首和仁為主賢哉卓異皎皎獨豎公主垂眄守令識觀  
毗讚傾席百僚揖語德伏鄉邦歸同雲雨樂捨財力弗辭貧  
苦營造供賓無避寒暑愍育路人如母茲父恩沾灰厄病瘦  
得愈美聞朝野州貢 天府 尚注依式省判通許覆覈事  
實符賜標柱衆情共立遣建義所旌題首領衆免役苦荒厲  
後學言行稽古彫刊美跡流芳齋寓鑿石彰名遐劫禾腐

右四紙八面高六尺五寸五分一三五七面廣一尺二寸  
六分十行二四六八面廣五寸三分四行行皆五十九字  
方界格  
徑九分

明使君大行臺尚書令斛律荊山 王

右一紙長二尺五寸廣七寸  
四分二行行八字字徑二寸

老上坐張季邕老上坐田天愛都寺主田鸞峰

上坐李雙貴 上坐張買奴 寺主吳景賓

上坐任敬和 上坐梁孝慈 寺主陳洪業

上坐田僧壽 上坐張明乾 寺主李思賓

上坐趙榮族 上坐梁景智 寺主貉元穆

上坐龍難憎 上坐孟阿和 寺主史長孫

上坐齊貴宗 上坐趙珍業 寺主王元仲

上坐成顯伯 上坐陳令舉

上坐任明軌 上坐牛顯榮 寺主荀承伯

上坐陳景洛 上坐竇石墨 寺主史同珍

右一

寺主石顯周

寺主曹承仙

寺主劉阿禮

寺主趙僧首

寺主趙僧定

此後空  
三行

寺主牛暉預

右二

大居士馬昆

居士姚神龍

居士梁令奴

居士陳伯仁

居士張順和

居士田遠達

居士張世遷

居士尹戩洛

居士卑元紹

右三

寺主陳顯達 居士邢子邦

右四列

右五列

以上一面之上截高三尺四寸廣一尺三寸題名五列各十行字徑一寸強

義衆壹切經生姜子察

此二行在第五列之下自為列

明使君斛律令 公長息安東將軍使持節岐州諸軍事

岐州刺史儀同三司內備身正都督臨邑縣開國子世達奉

勅 剌覲省假滿還 過義致敬 王 像納供忻喜因見標

柱刊載大 父名德遂降意手書官爵遣銘行由冀紹徽緒

公第九息儀同三司駙馬都慰世遷貴乘 天資孝心

禮 至媛娶公主過義禮拜因見俳佻並有大 祖咸陽 王

像令公介朱郡君二菩薩立侍像側致敬旣量 公與銘名

為俳回主方許財力營構義福

右一紙此記前六行上坐寺主等題名一面之下截高連

美製一列三尺二寸三分廣一尺二分後三行在別一紙

施主李焯賢 施主李伯悅 施主李匠寶 施主李阿楷

此一行四行在前記後

寶息長定州軍士呂貴觀為亡父母施地入義此行在記之前

楷之下上四字徑九分餘

施主巖僧安 施主巖阿承 施主巖光璨 施主巖市顯

施主巖道業 施主巖惠仙 施主巖市念 施主巖天

保與前同廣一尺六分字徑一寸一分

初施義園宅地主馬信 弟子嚴僧安故人嚴口嚴法究嚴  
僧芝嚴道業嚴惠仙嚴平仁等並解苦空仰慕祇施之惠設  
供招納捨地置坊僧安并自穿井定基立宅實是起義檀越  
今義坊園地西至舊官道中東盡明武城璜巷是嚴氏世業  
課田皆為種善來資忻捨無悔 施主僧安夙植定因遭災  
無難荒後寶育男女並各端慧長子懷秀次息奉悅第三息  
懷達第四要欣性並恭孝敬從父命立義十載有餘重施義  
南課田八十畝東至城門西屆舊官道中平坦良 立文永  
施任義園食衆領時菓普天共味隨時禮念願資福主因茲  
感悟宗房相與廣施如左 施主嚴承長息侍伯弟阿維

門華禮句有無脫字

小字另行  
低一橫字

孝心純至為父母重施義東城壕城南兩段廿畝地任義拓  
園種殖供賓賓資施主翼若把土來招輪報 施主嚴光琳  
璠弟市顯兄弟門華禮風儀並著兒孫端質鄉閭敬尚施心  
弥隆念福重義有甚□人璠弟市顯顯息士林璠息惠房弟  
三定興璠孫洪略共施武郭埕田四頃施心堅固眾雖廢埕  
任眾迴便賣買埕田收利福用見脩薄拘之因求受署提無  
盡之果 右一紙二面記在嚴僧安等題名之下十  
二行行三十字至三十二字字徑六七分  
施主李令弟 施主李小買 施主嚴僧芝 施主陳獨憐  
以上一列在一面之上截四行此面高  
與前同廣五寸四分字徑一寸一分  
施主嚴道業葉長息桃賓父子重義輕財為福捨地現招十



利當獲提伽心寶 施主嚴惠仙仙長子阿懷第二蘭懷天

保等口義精誠弗叶世報各施地廿畝任衆造園種收濟義

心度如海捨著為念 施主嚴市念念大兒口長長弟阿礼

阿灰兄弟口順仰慕亡考捨地廿畝口嚴奉地與義作園利

供一切願資亡考既能存亡博惠離車淨口畢口口以上一

行在李令弟等題名之下行三  
十三四字字徑七分後空二行

施主嚴阿頭 施主嚴智嚴 施主嚴樂平 施主嚴智苗

施主嚴遠郡 施主嚴紹達 施主嚴松林 九寸八分七

一行字徑一寸三分此紙僅揭上截  
一列其下有無題字未知其詳

施主嚴道嵩 施主嚴智順 施主嚴阿武 施主嚴海賓

三字另作一行  
係一姓注

並下都上品堂一姓

洪

以上一面廣五寸二分四行字徑同前  
揭本連屬前面亦僅見一列  
右一姓

李孝端 田子承 張士謙 趙士危 田 郭 奴 李 子 武 李 元  
暉 靳 阿 劉 賈 楊 呂 遵 賈 阿  
達 趙 阿 梁 阿 邑 郝 阿 根 李 僧 偃 般 道  
弁 王 衣 好 陳 阿 季 席 張 墨 賓 牛 景 貴 任 女 悅 楊 子 經 胡  
阿 曹 王 買 荀 張 榮 進 董 龍 席 解 董 董 羅  
牛 季 紹 石 洪 達 陳 僧 伽 孫 阿 略 牛 阿 賈 阿 冲 鮮 于 勒  
長 張 愛 仁 村 牛 子 道 陳 賈 方 思 沈 子  
遠 廣 任 仲 業 量 史 伽 士 遠 成 同 稱 董 長 雲 鮮  
于 仲 王子 才 李 李 子 慈 田 鮮 于 文 禮 李 敬 任



□李□□衛道□田孝讓鮮于孟禮却神敬張市□空六

趙車□□□趙孟舉

右一獸高六尺七寸上廣一尺二分下廣一尺一寸六分九行行五十七字字徑八九分

石柱在縣東南三十里臨易水州郡志云易州石柱後魏末杜葛亂殺人骸骨狼藉如亂麻至齊神武起兵掃除凶醜拾所遺骸骨葬於此立石柱以志之

太平寰宇記易縣

在易州東南三十里北齊神武拾葬兵後遺骸於此立石柱以識之

明一統志

方志云神武時義士王海立在縣西北三十里

京畿金石考

謹案金石考據定興縣志載入定興茲據明一統志載入

初魏元年此堂一石也  
在當林

易州鐵輔  
通志

在定興縣西石柱村北齊武平年立無撰書人名氏按  
文稱魏孝昌時葛榮杜洛周寇亂民多歿亡鄉人王興國  
等舍質掩骸造冢後建佛寺振卹困窮大寧二年省符標  
異初立木柱及斛律羨為都督幽州刺史令易以石其高  
一丈九尺四正四隅編刻文字尚完好考羨乃斛律金之  
子光之弟本傳言天統四年進行臺尚書令武平元年將  
荆山郡王三年與兄光同被殺此文所題官爵皆與史合  
跋中所謂威陽王即金也文體冗弱多用梵書字法道秀  
在楷隸間涿州作涿城隍作湟其餘通楷減省之字均合

漆

古法此柱在村廟中土人感於風水之說闕不使拓故絕  
無著錄者門下士邑人鹿橋<sup>橋</sup>笙拓得數紙以一見貽洵可  
貴也強梧<sup>梧</sup>大開獻頁五記 又按北齊書義傳子世達世  
遷世辯等此跋世達稱長息世達稱弟九息 文有造義  
貢義義主等名目已可怪而言世達<sup>世</sup>遷義禮拜因見徘徊  
稱為徘徊主尤可怪也 頌有惠輔如毛語惠乃惠字之  
謠 據石工云柱上南面有像未拓

右北齊石柱額題曰標異鄉義慈惠石柱頌大齊大寧<sup>寧</sup>二  
年四月十七日省符下標元造義王興國義主路和仁石  
在定興石柱村即太平寰宇記易州下所載石柱也定興

本范陽縣之黃村金大定定中立縣又割涑水易州近民屬  
之石柱舊在易州東南三十里今為定定與西北三十里也  
按寰宇記引州郡志云易州石柱後魏末杜葛亂殺人骸  
骨狼藉如亂麻至齊神武起兵掃除凶醜拾遺骸骨葬於  
此立石柱以記之所叙語大都撫取頌首文句然以為神  
武立則非也據頌文義葬起定之初義食繼其後武定  
二年為法師別立清館四年依官道改建新堂天保十年  
秦聞河清二年權立木柱天統三年改建石柱創義者王  
興國田市貴助義功德者法師曇遵居士馮叔平路和仁  
施地者嚴僧安等先後州郡助義者幽州都督盧文翼獨

孤使君范陽太守郭智大行臺斛律款范陽太守劉仙范  
陽令劉康買又有文翼子士朗孫釋壽繼為檀越義子世  
達世遷行過助資事歷四十餘年成之者非一輩其文極  
詳觀縷周志作州郡志者蓋見其文而未能竟讀見有神  
武字遂以命之若京畿金石攷據據寰宇記錄此碑又引方  
志即史文云神武時義士王海立誤王興國為王海則真  
閭井之傳言未嘗一窺柱下者矣義事幾與齊一代終始  
故頌文所載多與本紀大事相關曰天保蝨虫之歲者齊  
書文宣紀八年自夏至九月河北六州大蝗飛至京師蔽  
日若風雨九年山東復大蝗詔稱趙燕瀛定南營五州蝨



叡

言

潦損田免其租賦是其事也云長圍作起之春者文宣紀  
天保五年帝北巡至達達嶺覽山川險要將起長城六年  
發夫八十萬築長城自幽州至恒州九百餘里八年於長  
城內作重城四百餘里又云長城起西河總秦戍東至於  
海三千餘里趙郡王叡傳云天保六年詔叡領山東兵數  
萬監築長城先是徒役罷作任其自返各丁壯各自先歸  
羸弱被<sub>棄</sub>加以饑病多致殍殞叡與<sub>所</sub>取部俱還弱強相持  
配合州<sub>紳</sub>鄉分有餘贍不足賴以全十三四焉觀此則作役  
之苦與死為隣自趙郡王<sub>所</sub>取部之外罷作歸<sub>去</sub>此義<sub>所</sub>濟  
諒不少矣云河清遭滂者武成紀河清三年山東大水饑

死者不可勝數詔發賑給事竟不行是其事也云新令普  
頒舊文改削者武成紀河清三年以律令頒下大赦是其事  
也頌中人名於史可徵者斛律羨齊書有傳頌字豐洛傳  
文作豐樂檢獨孤永業傳正作斛律豐洛鮮卑語無義同  
音字例得通稱羨以河清三年轉使持節都督幽安平南  
營東燕六州諸軍事幽州刺史州元統中以北虜屢犯邊備  
預不虞自庫堆成東距於海其間二百里中凡有險要或  
斬山築城或斷谷立陣置立戍邏五十餘所又稱突厥來  
寇羨大總率諸將禦之突厥望見軍容遂不敢戰其後朝貢  
歲時不絕羨有力焉美又導美高梁水北合易京東會於

潞因以灌田公私獲利頌文所云徧脫立成聚谷為城威  
震六蕃恩加百姓蓋皆紀當時實事脫者區脫也美以天  
統四年遷尚書令武平元年秋進爵荆山郡王傳皆載之  
柱文稱尚書荆山王當刻於武平元年以後後一二年美  
即被誅矣傳載美五子世達世遷世辨世首伏護伏護以  
下尚有幼者五六人柱旁題名稱世達為令公長息世遷  
為九息則羨壯子當不止五人傳稱斛律一門三公主史  
惟見光子武都尚公主今據題名乃知羨子世遷亦尚公  
主世達官安東將軍使持節即岐州軍事岐州刺史儀同三  
司內備身正都督臨邑縣開國子世遷官駙馬都尉皆足

補史文之闕也大都督盧文翼附見魏書盧玄傳稱永安  
中為都督守范陽三城拒韓婁有功文翼有三子士偉士  
朗士嬰魏書惟見士偉唐宰相稱世系表具之士朗仕至殿  
中郎子擇壽仕開府參軍頌稱大都督息士朗不著其官  
又云無以世務在懷宜將將榮祿草意則士朗蓋有官而  
不仕者頌文作釋壽表作擇壽此唐書誤字當以石刻正  
之盧氏山東巨族世與魏室聯姻故云望重寰中親文帝  
室又有鳳室之孫龍家龍子之句也陽平路氏魏書路恃  
慶傳後附見者十餘人皆仕當魏齊之世路和仁當是其  
族而無文可徵恃慶之弟名思略思令此路和仁字思穆

北朝士夫固往往以字行然未敢決定其必為恃慶弟兄  
行否也劉康買□州高柳人州上字舊釋為邑按地形志  
高柳郡屬恒州泐字字形正方當是恆字緣涿東西范陽  
涿人即涿之別體據水經注涿出涿縣故城西南奇溝東  
逕桃仁墟東北與樂堆泉合又東北逕涿縣故城西注於  
桃水向東流岸當南北不應云緣涿東西道元於注既出  
是水又以為應劭說涿郡南有涿水今無水以應之惟西  
南有是水世以為涿水又云灤水東逕廣陽郡與涿郡分  
水當受通稱事或近而非所取安是則涿水所取在當時固無  
定說此頌所取云緣東西者乃似指易澆為涿此又於麇注

外別為異說可資地理家紬緝者也。頌稱義之所取在云左  
踰明武右帶長達却負沮洳面臨觀臺施地之記又云西  
至舊官道東盡明武城溝又云東至城門西屆舊官道又  
云重拖義東城壕城南二段廿畝明武城不可攷疑為武  
陽城之異稱武陽以天保七年詔書省并其城蓋不釀水  
經注易水自寬中厯武夫關東出是兼武水之稱明武武  
陽取義相近惟檢寰宇記武陽故城所在按以柱之取在  
微為差西以此存疑不能決定亦或武陽東南別有明武  
城如范陽之別有小范陽者故記靡詳莫由證案矣觀臺  
者字記石柱在易縣東南三十里金臺俗稱東金臺亦在

縣東南三十里小金臺蘭馬臺並在縣東南十五里水經注濡水經武陽城而北流分為二瀆一水逕故安城西側南注左右百步有二釣臺參差交峙迺遞相望其一東注金臺陂側西北有釣臺高丈餘方可四十步陂北十餘步有金臺北有小臺臺北有蘭馬臺並表高數丈秀峙相對翼臺左右水流逕通金臺去易縣里數方向與石柱正相當柱臨易水臺據水經注亦臨易水然則所謂却負沮洳者即注所稱水流逕通所謂面臨觀臺者東金臺小金臺蘭馬臺釣臺必居一於是矣齊代諸帝皆崇佛法據佛祖統紀文宣天保元年詔僧法常入內講經拜為國師二

年詔置昭玄上統以沙門法上為大令統令史員置五十餘人六年令道士與釋子角法河清三年詔慧藏法師於太極殿講經然則蕭梁餘習禮及高齊頌中國統光師空格書之與令公等國統殆即上統故尊之如其云有勅請法師又云法師向并仁從衣履蒙預內齋蓋即宮中法會講筵之事光師蓋齊時尊宿魏書釋老志魏末沙門知名見重當世者有惠光統紀有慧光北齊時居洛陽著華嚴聖涅槃十地等疏妙盡權實之旨僧名惠慧多互出慧光蓋即惠光與石柱時代相當又名盛南州與所云居洛陽相應疑光師即其人矣拓柱極高大椎拓為難自歐趙以來未



嘗為塗石家著錄光緒丁亥碑工李雲從覓得之村人阻  
搗廢然而返鹿編修喬生聞之乃自募工往晚諭村人經  
營累月乃得墨本數十分以一遺余此本是也已丑冬日  
喬生復以錄出碑文見示摩挲累日為補釋數字并參  
證史傳可攷者紀之如是 頌中紀事與史文不相應者  
二云武定四年神武北狩勅道西移攷北齊書是歲首書  
神武將西伐自鄴會兵晉陽此之所云疑指其事顧西伐  
不得言北狩自鄴向晉陽亦不得經由范陽據北史武定  
三年十月神武上言幽安定三州北接奚蠕請於險要脩  
立城成以防之躬自臨履莫不嚴肅北狩移道恐在此時

此不必史文之誤撰文人誤記年月碑刻往往有之亦或  
三年冬北狩涉四年春還也云天保三年景烈皇帝駕指  
湯谷離宮此湯谷者賜谷之異文淮南天文訓史記索隱  
引舊本皆如此作檢齊書文宣紀天保三年惟有帝擊陣  
莫奚於代郡事代郡不得言湯谷時帝由晉陽北伐亦不  
從范陽經過惟四年秋帝北巡冀定幽安仍北討契丹從  
平州至陽師水歸至營州登碣石臨滄海與頌所云駕指  
湯谷情事相當離宮義所當在茲役此亦當由撰文人誤  
記一則差後一則差前一年也據後主紀天統元年有司  
奏改高祖文宣皇帝為威宗景烈皇帝武平元年冬復改

威宗景烈皇帝謚號顯祖文宣皇帝文尚稱文宣為景烈  
益足證為元年冬以前撰刻也或疑湯谷指溫泉漁陽固  
有溫泉然古稱溫泉為湯谷者甚少即張衡溫泉賦所云  
控湯谷於瀛洲洛日月於中營亦指日出之湯谷言之非  
謂溫泉為湯谷也沈曾植跋

石柱卓立廢寺千三百餘年尚少剝蝕墨本匙流傳金  
石家多未著錄村民沿訛謂柱主一方豐歉禁人推搦  
故不易得碑工言柱三層題額在上層正面額在中層  
周刻四正四隅其餘上下方向言不能詳逐紙錄之容  
有錯置頌五六七面漫漶以兩拓本詳校之又得楊定

專同年沈子培比部釋文互參求是二君所釋有存疑  
者偏誌行右文凡三千四百一十三字缺百二十字而  
已定興縣金大定中置割易州東南境來屬石柱遂入  
定興明一統志云在易州蓋襲太平寰宇記遺文未知  
其他已改屬也近黃子壽修畿輔通志不從縣志及金  
石考載入定興而反據明一統志列易州未免疏舛

朱岱林墓誌

高二尺四寸八分廣三尺五寸五分四十行行十四字  
第二十六行三十五字字徑七分五書在壽光田劉村

君諱岱林字君山樂陵濕沃人也自辛朝空<sub>闕</sub>昌戶銜書親  
以建社賢亦啓國扶封於<sub>邾</sub>加茅土方曹析壤<sub>魯</sub>稱雄  
別有由謚立姓因字為氏斯即去邑役朱蓋是殊方共致卯  
金則司空佐命當塗即領軍<sub>贊業</sub>在晉嗣美表於趙垂名  
所謂杞梓繼生公侯閒起<sub>括</sub>人<sub>在</sub>挺衣冠代<sub>叢</sub>曾祖<sub>霸</sub>儒該  
<sub>自</sub>素<sub>術</sub>盡<sub>從</sub>橫<sub>魏</sub>使持節平州諸軍事安遠將軍平州刺史  
俗隣壇場布以威恩<sub>酌</sub>酒空陳<sub>丸</sub>金不受於後<sub>誇</sub>言及樂<sub>說</sub>  
巧<sub>亂</sub>鄆<sub>僚</sub>余<sub>鷹</sub>揚<sub>翻</sub>然<sub>鵲</sub>起<sub>擁</sub>鄉里三千餘戶來逝河南值

元嘉之末朝多臣亂不獲其實仍居青州之樂陵郡祖法密  
下帷耽藝閒靜自得舉秀才釋褐南平王府行參軍遷尚書祠  
部郎中禮閣有聲含香擅美後遷司徒府諮議參軍事亡贈  
鴻臚卿父孝祖清規勝乾地美才高俄而魏高祖孝文皇帝  
熊罷覽騁蒼兕爭先化洽江湘令行天下錄奇異於巖藪訪  
隱逸於閭閻起家除槃陽縣令轉北海太守流涕孟侯歌誰  
稚子從今對古並駕今馭君膺茲秀氣稟是厚和三棘六里  
方珠比玉左紹右賢擬龍齊鳳得嗟蔡子見重侯相季始十  
餘身離艱苦晨躅夕踣柴毀骨立遂使鳩耒集馬假葛草  
精通飛走搃貫幽明魏廣陵王愛善如蒼好書比德俾侯南

服妙選英依託以金蘭激為國常侍辭不獲已俛俛從職而  
侯羸荷盱難交公子介推逃賞終遠晉文未踰十旬還以病  
解後彭城王又以皇枝之貴作牧東秦台為主薄久而從命  
王藉甚有素禾苦抑遣終遂干木之心乃申安道之志君雅  
量之地無際可尋元昆季弟推之京宦同於得玄等槩榮枯  
含章韜綵藏明晦用兄元旭散騎常侍出除南兗州刺史弟  
州業通直散騎常侍左光祿大夫高冠暎日長戟陵風譽滿  
京華聲馳寓縣縱趙孝之讓禮食曾何足云魯恭之就本名  
詎堪方此魏廷慰鄉崔光韶侍中賈思伯並聰敏當世器居  
標時結四子七賢之交飲醪投水之密留連宴喜付寫矜期

黃門郎徐純與君意得言忘處權居要恒思不次之舉選赴  
志不可奪醢言之暇聊申傲旨君答云昔人有以術忤帝或  
道質王辭之鱗羽本乖飛伏而平生庸短未希簪紱如斯  
之貶乞不加已純愛人以禮兼相欽尚從其所好不敢繫維  
普泰之季水德不競蒼雲蓋野紫日生天烏合蟻徒聚三齊  
之地豎牙鳴角涕十二之險不異井中虛言聖出何殊轍□  
妄号神人拔本塞源摧蘭天桂春秋五十有四遐迹悲噎聞  
見涕零惟君大度不羣峻□孤上託宿假道唯仁與義規矩  
成則物我兼忘非夷非惠不石不玉惻隱同於子魚友悌侔  
於伯雅何忽詹山石折習士遽傾以大齊武平二季歲次辛



卯二月乙卯朔六日甲申葬於百尺里東五里第四子敬脩  
自惟羅此荼毒眇然咳幼離奇以生龍鍾而立窮而匡子温  
慙閔騫岵山難陟過庭無訓携鋤而感言下集冠之禽攀松  
弗昭甯降成墳之鳥空追士季瞻像載興傷慟目擊觀狀益  
增醜哽砮茲鄙拙式序激猷思與泣俱文兼涕落先言多不  
備述注行畫是關如良由才非作者情懷蕪次從父兄敬乾  
史君伯第三子脫略榮華不應徵聘沉深好古尤工攝屬勒  
銘黃壤以播清風辭曰

本自高門世資陰德從來位重人兼才識運海鱗奇搏搖翅  
力繁枝不已清瀾爲息其唯祖英毅唯父深沈飛纓鳴玉作

德

乾垂音仍生東箭遂榭南金素榮俱美出處分心二其有應純  
和望餘耀愁風阮德梁遊大釣櫂于君子藝才何勿關里  
儒英瀨鄉阮妙三道王天崖志輕人爵菊蓀危坐四藜採藥  
楚漢兒戲仁雄六廓我如曾閱何論許郭其虛言輔善實驗  
無親石一既落儋山亦淪少傲之應遂屬高人悲王難序痛  
霍何陳五其仁厚慶鍾育斯才彥歷階武日過庭鯉時似鳳方  
鳴如龍比絢遺孤在笈藜爲誰二見二其伊何慈顏弗規方  
朝不食隣人罷祖比學西河擬文東魯述彰香固情深陟七岵  
其魚山本志門豹遺風丹青已寫且窆方崇思人下淚瞻蓋  
悲空山川不易規歎詎終八其嗟二猶子瞻儀在笈荷恩惟訓

依希如觀頌雅目詩述文託易追思素道故鑄元石

按岱林兄元旭魏書有傳其除南兗州刺史則傳所未載  
岱林官不大顯其弟叔業通直散騎左光祿大夫亦不得  
附書何也霸官安遠將軍平州刺史傳既失書而以曾祖  
為祖則誤之甚矣岱林不樂仕進與黃門郎徐統善而不  
為統所維繫可謂能避患矣而卒不免為羣盜所害士大  
夫遭亂世而不及於禍豈非天幸乎誌為第四子敬脩所  
撰而銘詞則出於猶子敬範文皆雅贍在魏齊之間可稱  
高手漢書地理志濟南郡有般陽縣師古音盤魏書地形  
志作盤陽此碑作槃陽古字皆通用也碑書閭閻為閭閻

廷尉為廷慰清瀾為清瀾以術干帝干作忤皆異文潛研堂

石文  
跋尾

碑云廷尉卿崔光詔侍中賈思伯黃門郎徐統素各傳載  
崔光詔為廷尉在孝莊初年時賈思伯卒已載矣思伯仕  
明帝朝終于侍講不言其為侍中或史失書徐統為黃門  
郎亦在靈太后反政之初三人官位先後參差蓋碑是總  
敘前因約略言之非與史異也二月乙卯朔六日甲申乙  
卯乃己卯之訛羅此荼毒羅字筆極明近人釋為羅非是  
段若膺大令尚書撰異云羅蓋羅之或體維惟古通用離  
古音羅故離羅通用而後人區別太多失其古義古音乃

罕知羅即羅矣元按此刻作羅知六朝人猶用古字益可

證也

山左全  
石志

碑云魏廣陵王俾侯南服妙選英佐徵為國常侍彭城王  
又以皇枝之貴作牧東秦召為主簿魏書廣陵王羽傳高  
祖時羽除使持節都督青齊光南青四州諸軍事征東大  
將軍開府青州刺史彭城王勰傳邵龍封世宗時除使持  
節假散騎常侍平東將軍青州刺史然則碑所云廣陵王  
即羽彭城王即邵也岱林以普泰之年為三齊羣盜所殺  
前廢帝紀普泰元年七月鎮遠將軍清河崔祖螭聚青州  
七郡之衆十餘萬人圍東陽東陽青州治岱林之卒當即

在此時以武平二年二月六日葬距其卒時已三十年矣

平津讀碑記

誌出樂陵縣撰文者為岱林之子敬脩撰銘者為其從子敬範一誌以二人為之亦僅見也碑例稱君自漢已然此

誌以子稱父亦曰君則前此所未見也

古誌石華

文云兄元旭散騎常侍出除南兗州刺史攷魏書本傳不載南兗州刺史可以補史之闕元旭傳以霸為祖且無官安遠將軍平州刺史文皆當據碑攷補碑沃作浹冠作冠巧作巧亂作乱幡作翻閭閭作閭攔對作對瀾作瀾皆當時俗字邱素即邱素素索古通用槃陽漢書地理志作般

魏書地形志作盤按說文又作槃盤本盤之重文籀文从

皿

漢書

書用古省魏書用籀文碑用說文本字也黽勉作僂

僂尉作慙干作忤皆段借字孩幼作咳說文本作咳古文

作孩此從說文扶搖之扶作搏當是木旁搏字說文云搏

桑神木日所出也今人書搏桑字亦作扶則扶搖字或本

亦作搏後人誤改耳

古泉山館金石文編

窮而匡子而讀為如隈借作猥門豹

即西門豹

借作縣

大夫金

石續編加跋

山左金石志

孫淵如續古文苑注

載是誌泐十一字今相後未及百年泐至

三百三十餘字詞意已難具曉更閱百年將盡漫滅然

以存疑句下与初楊  
少異而季故十條三  
句初楊又與 卷公待族

則潛研所謂文皆雅贍可稱魏齊間高手者又烏從而  
讀之金石家全錄碑文其有功古刻何如也山左志布  
以威恩誤作恩威遂以病解病誤兵留連宴喜誤熹  
誤稟是博和當是博字減其兩點志作隨孫今撮本雖  
少泐而左旁一直甚顯碑係正書諸水旁字無不作  
不應此字獨涉行筆而黃虎癡古誌石華陸紹聞金石  
續編錄此亦皆不作博今就所見寫之以存疑可也季  
始十餘孫以季為韋應勸正其所泐三百餘字據各本  
之義長者補注於旁奄加茅土志與孫氏並作公碑存  
右捺偃電特長與公不合陸釋為奄是也三棘六里志



跋引釋遠與蘇先

此累有下所上附記於此  
向中稿未有此跋應再核

作王隸六里三字孫云山左志誤作王今依拓本改按  
今拓本正作王孫說未塙特中豎乃後人妄加耳陸以  
王字不協改作五非是魯恭之就平名諸家皆作平名  
孫獨作平原本恭傳足正諸家之誤道賢□王陸作道  
質辭王峻□孤上陸作峻懷□望餘耀陸作義□裴採  
葉陸作紹石□既落孫但寫石旁佳而缺其左陸作鷄  
□朝不食陸作忌未敢盡信附記於此龍鍾而立潛研  
跋尾作止寫刊之謬也搏搖翅力孫釋搏為搏以書家  
專字恆省作專也體木夫以為扶字引搏桑之搏亦作  
扶為證謂碑當是木旁並謂莊子扶搖字或本作搏後

人誤改語涉武斷不如作擗搏之本色

齊昌鎮將乞伏保達墓誌并蓋

高一尺五寸廣一尺四寸六分二十行首行及十五行以  
後字數漸行二十四至二十七字不等餘每行俱二十字

字徑六  
分正書

齊故鎮將乞伏君墓誌

誌字徑一寸五分正書

齊故驃騎大將軍穎川太守齊昌鎮將乞伏君墓誌

君諱保達金城金城人也其先蓋夏禹之苗裔或種德苗王  
或立功稱霸據西秦而虜視擬東帝而龍飛曾祖臺侍中中  
書監即武元王之愛子刷鴻鵠之羽集鳳鸞之池祖鳳趾居  
關外率眾來王魏朝嘉之授金城伯父悅涇州刺史德被管  
絃愛遺民庶君器搃方負藝兼文武起家參中軍大都督府

齊武平二年二月十八日

軍事建非常之勲受不次之賞除冠軍將軍中散大夫去病  
三軍之寔村夜七賢之美一朝兼摠人無聞言天保元年轉  
前鋒都督進爵東垣縣子別封建安縣鄉男又除驃騎大將  
軍封化蒙縣散男山河並擔茅土俱傳疇庸之典自古莫二  
尋遼直盪倫身都督持身有度馭下多方揚干之傑不殺諸  
葛之陣自整常謂神聽孔明善人是福而彼蒼多列曾不慈  
道以武平元年十一月十一日遘疾卒於青州時年五十六  
粵二年二月十八日窆於鄴城西北七里紫陌之陽 詔贈  
本將軍穎川太守齊昌鎮將禮也思古往今來陵移谷換敢  
鐫貞石敬勒芳猷迺為銘曰

長發其緒仍世有聲餘休不昧斯人柱生角立傑出夙如早  
成爰初□仕實參武職斬將樹雄賣勇將力遠播未景小年  
已歿

皇情悼遠追加寵章車旗有數蕭管成行一辭  
白日永闕園房

乞伏保達及其曾祖臺祖鳳父悅皆無攷武元王乞伏  
乾歸偽謚也化蒙縣南朝屬廣州綏建郡非魏齊版圖  
所有

馬祠伯造像記

石座高一寸八分廣六寸四分  
八行行四五字徑五分正書

咸平二年四月八日馬祠伯夫妻造玉像一區上為國家師  
僧父母一切衆生同時作佛

中堅將軍劉忻墓誌銘

方一尺三寸四分二十一行行二十一字方界  
格每六分餘正古篆隸體在京師端平橋家

君諱忻字始卑，**國**農胡城人也。八采崇基，龍顏峻宇。也載捐  
讓之風，家傳寬仁之德。源流注而未捨，長河引也。竭曾祖  
耳魏使持節衛將軍、涇州刺史、德德苞時。物表褰帷，望  
境賈琮之化，非**國**傳車待信，郭伋之期。眇小祖胡濞，陽太守  
識懷開雅，領袖壹時。父愷，建安太守，志尚高，清羽儀當也。遂  
使衣冠不絕，嘉聲乍起，所謂凶之藪，非止片玉漢水之內。  
詎在壹珠，君少而挺異，幼實多奇，風度自遠，眉亮淵睛，體備  
五德，身維百行，孝弟之至，乃著家門，義讓之音，翻然成俗，實

有杞梓之材，闢非瑚璉之用。起家襲爵，為平昌子。後加中堅將軍，佩□升朝飛纓，參選雖職，秩未高才，名穎出方，當託鳳□。虛附驥足，致遠之功。未申物代之時，奄及春秋。七十一有五，以武平元年。庚寅十二月，庚辰十八日，丁酉卒於鄴城北信義里。而相杵不聞，隣哀振路。粵以武平二年，辛卯五月丁未三日，己酉塋於武城北。然丹青非記，金石可依。乃有鐫勒，用旌厥美。其詞曰：

業萼四序不凋，五才何已。則天成業，斬蛇繼起。根葉既繁，花萼豈止。蕃屏名岳，剖符万里。爰達崑仁，珪璋為質。□友內融，德音外逸。承官負爵，鏗鏘王室。亦既罷朝，逍遙□□。人生詎幾，去



路奄昏排雲未上地穴下奔神顏已□□張徒存假鏤斯石  
銘德泉門

右誌前無標題不着姓觀其辭知其為劉氏也其字始

卑卑古觸字

比丘僧道略等造神碑尊像記武平二年九月十五日萃編載卷卅四

在假師義井舖北

體白六通通誤元冲眇邈元誤作

偃師志尤多鶴缺並妄增字

邈

李延好造像碑殘刻

高五尺六寸廣二尺四寸餘題記在像龕下  
又許三十行行二十四字字徑六分正書

蓋元□至□古窾<sub>下</sub>□□若非哲人何能□其法□□□  
擇迦如未種□回□切□心超果就金剛之□除道□方水  
之群生悟□巨□異解名□万□之奇□□万像巧□□  
緣因相歎□□然□夙業□□三十一暉□□逐步  
四□絕□□俱□□□□主道□□□子恭□□  
性□然不□川□□□□□含生皆有真性□□流斷  
□□□□悟无生永□常定□□□□□□□□□□□□  
大齋歲次任辰四月廿三日□□言□元□□□□□□□□□□

齊武平三年四月廿三日

遠

□□□□□同□□三世非□□保□樂為剛□削名珎□  
□□土□□□□□□□□□會賴□□家眷屬內外□知恒俱

□國

千象主李延好天王主郭遠□

蔡主王子孫天王主趙超

千象主□□□天王主王豐洛

香火主<sup>臺</sup>凌雲超天王主□康□

比<sup>田</sup>□惠□

共同造

□觀主李□□

糜主馬施母郭法□

香火主 張 璿

清淨主高子 榮

□粹主 郭遠貴

右造像小龕二十四層上五層之中間為一大龕左右  
每層小龕各四以下十九層每層各十四凡為小龕三  
百有六兩龕之間各有題名皆漫漶難辨其可見者王  
李二姓為多次則馬郭又次則邢楊壺壺即壺字記文  
剝蝕已甚有國號歲建月日而不書紀元按壬辰乃齊  
武平三年也任壬之借

女傳醜等造像記

高三寸七分廣一尺十四行又左側三行  
行各五字行首各缺半字字裡六分正書

盖水泡不□石火暫明氣如風燭似川流如不息若非躰解  
三乘无以歸依□路佛弟子女傳醜傳醒頭姊妹二人以武  
平三年五月廿四日□敬造盧舍那一軀為父母刊石託  
□益皇帝陛下□切衆生成□此福

文殊經品

高六尺六寸廣五尺七寸十行行十四字字徑四寸餘分書在磁州鼓山

文殊師利白佛言至名爲捨心錄不具

附唐僧題名在首行七八九字之右三行行字不一字徑七分正書

□□三□□弟子□□□可辨西國胡僧牛門三藏弟子

景□□寺僧承慶開元五年二月十二日

又高三尺九寸廣一丈一尺八寸二十行行八字字徑四分五分書

善男子諸佛无所送至无有故錄不具

比師法貴共養

上弟九阿弥陀佛主比師惠景共養二行在經末字徑一寸外不等正書

十六佛名

拓本十紙高一尺五寸至二尺九寸廣五寸至九寸或一  
徑二寸餘至五寸餘均不一佛而二行行五字至十一字字  
一分書左行在磁州鼓山

第一阿闍佛第第十六我釋迦牟尼佛不悉錄

拓本缺第九佛一紙此殆亦定禪師所造



定禪師造佛題記并佛號刻石

得拓本六面似是石柱高不知幾何一廣四寸五分一行  
字橫徑二寸至三寸餘不等行下雙注五字徑一寸五分

與後列各刻俱分  
書在磁州鼓山麓

昭元沙門統定禪師敬造六十佛五字雙注

一廣四寸五分上六字居中橫徑二三寸不等中  
分二行各十字少空亦二行行五字字徑一寸餘

摩尼勝光如來居大若有至心稱名者除七百萬億阿僧祇

劫生死之罪二行雙承日月光明佛日□明佛二佛名

在下

一廣五寸五分二行行  
二十字字徑一寸七分

單佛精進喜佛至无量究光佛凡八

齊武平三年

上一同

財功德佛至出決定毗尼經凡七

一廣五寸一行十五  
字字徑二寸五分

此舍首陀能斷除者則見佛性成无上道

附唐題名編右一行  
字徑二寸

貞元十八年七月一日李埴

此在舍首陀云云之後一面元字頗涉近似

大字佛號高二尺九寸廣一尺  
三寸五分字徑一尺

寶火佛

右三字上下二字雙鉤火字白文

諸刻均在磁州鼓山當與唐邑經刻同在石窟皆武平三  
年前所造

武平造像殘石

石斷缺連像存高四寸六分廣三寸四分像下記四行  
行存三四字字徑三四分正書在武進曹氏歸牧齋

武平三

己卯日四

造像一壇

前德禱